

ЛЕНИНЭНЬ КИЯВА

ВЛКСМ-нь Мокшэрзянь обкомонь ды Саранскоень ошонь комитетэнь газетаст

ОКТАБРЯНЬ

10 чн,

1935 ие

№ 108 (459)

ЛКСР: 6-й изд. члн 1935

КОЛХОЗНИЦА-АВАНТЬ КИС МЕЛЯВТОМАДО

СССР-энь Наркомзементь, РСФСР-энь Наркомздравонтъ
ды Наркомпросонтъ постановления

Ламонь таркава улить вельхоз артеленъ примерной уставонтъ пек грубойстэ коламонь факт, примерк, пешкесэ-чинь коряс колхозницатненень отпусконь максомантэ, улить колхозницатненень шачтомсто лездантэ беряньстэ организовамонь факт (В. Уланской ды Тегюшской районтэс Татаронь АССР-сэ, Обливский район Азово-черноморской крайсэ ды лиясо) истяжо улить истяг факт, што велень хозяйствань кой-кона артельтне, земельной органтне, народной образованиянь ды здравоохранениянь органтне (Устенский район Северной крайсэ, Фаленской район Кировской крайсэ, Ессентукской район Северо-кавказской крайсэ ды лиясо) безответственно ваньты колхозсо эйкакшонь яслятнень, садтнень ды площадкатнень роботаст вадрылгавтомантэ лангс ды сынест эряикс продуктань (товсюронь кши, ловсо, эмежт, ой ды лият) ынокстамонтэ кис.

Онь кис, штобу маштомс веревтазы асатыкстнень ды тевсютавтомс велень хозяйствань артеленъ примерной уставонтъ материнствантэ ды младенчествантэ ванстамонзо ды парсте аравтомс эйкакшонь воспитаниянь, СССР-энь Наркомземес, РСФСР-энь Наркомздравось ды РСФСР-энь Наркомпросось тейсты постановления:

1. Ютавтомс вейсэ ВКП(б)-нь ЦК-ань „Крестьянка“ журналонтэ ды авань краевой, областной, республиканской журналтне марто весе союзонь рейд сень проверямонтэ кувалт кода моли вельхоз артеленъ примерной уставонтэ топавтомась колхозницатненень пешкесэ-чиде отпусконь максомантэ

коряс, шачтомсто лезксэнь максомантэ коряс ды улить ли колхозтнэс фондт эйкакшонь учреждениятненень.

2. Рейдэнь ютавтомантэ путомс здравоохранениянь, народной образованиянь ды модань тевень ветиця краевой, областной ды районной органтне лангс вейсэ авань журналонь редакцияне марто. Рейдэнь ютавтомантэ эрявить таргамс колхозонь председателтнень, эйкакшонь врачтнень, авань ормань коряс врачтнень, учительтнень ды дошкольной роботниктнень, истяжо колхозница-авань келей массатнень.

3. эряви проверямс:

а) весе ли пешкесэ аватненень эсь шкастонзо максозельтэ отпусктэ кода неть отпусктэ ютавтозельтэ; парсте ли теэз отпусконтэ кис роботамо чинь ловомась;

б) кодамо медицинской лезкс максозель колхозницатненень ды одс шачозь эйкакштнень, васняк, ули эли арась шачнема кудо ды кода сон теэз;

в) кода колхозось мелявты аватне кис (кода организовазь эйкакшонь потятыця аватненень роботаст, кода эйкакштнэ таргазь яслас, эйкакшонь садс ды площадкас ды кода сын роботытэ);

г) явтазы ли фондт эйкакшонь учреждениятнень кис, зяршат сын (фондтнэ), улить ли эйкакшонь яслятненень, садтнень ды площадкатненень эрявикс паропомещения ярамо-пелень полноценной продукат ды медицинской лезкс.

4. Саемс башка наблюденияс рейдэнь ютавтомантэ Московской, Ленинградской, западной ды киевской областьтне, Северной, Северо-

кавказской, Азово Черноморской, Западносибирской, Кировской крайтнесэ, Белорусской ды Азербайджанской СССР-сэ, Чувашской ды Татарской АССР-сэ.

5. Рейд-проверкань ютавтомантэ весе роботантэ прядомс 1935 иень октябрь-декабрь ковтнень ды рейдэнтэ результатнэнь кувалт весе итоговой материалтнень пачтамс СССР-нь Наркомзементэ, РСФСР-нь Наркомздравонтэ ды РСФСР-нь Наркомпросонтэ 1936 иень январень 1 чидентэ аволь седе мейле.

6. Рейд-проверкантэ ютавтомсто лангс ливтез материнствань ды младенчествань ванстамонь тевсэ в/х. артеленъ уставонтэ а топавтомань фактнэнь эряви тоско сескежо витемс.

7. Вешемс союзной ды автономной республикань Наркомпростнэнь ды Наркомздравтнэнь, штобу максот указаният сынт таркань органтнэнь рейдэнтэ ютавтомсто роботантэ скулмавомадонтэ.

СССР-нь Наркомземес, РСФСР-нь Наркомздравось ды РСФСР-нь Наркомпросось тердит весе колхозницатнень примамс активной участия рейдэнтэ ютавтомасо ды большевикекс бороцямс колхозной эрямо-сталинской уставонтэ тевс ютавтомантэ кисэ, колхозница-авантэ шумбра чинзэ кемекстамантэ кисэ эйкакштнэнь коммунистической воспитаниянь кисэ.

СССР-нь Земледелиянь Народной Комиссарось М. Чернов.

РСФСР-нь Здравоохранениянь Народной Комиссарось,

Г. Каминский.

РСФСР-нь просвещениянь Народной Комиссарось А. Бубнов.

1935 ие, сентябрьнэ 28 це чи.

ПЕНЗАНЬ ШКОЛЬНИКТНЭНЕНЬ МАКСИМ ГОРЬКОЕНЬ СЕРМАЗО

А умок Пензань школьникт, 4-це классо тонавтият Максим Горькой писателктнень кучсть серма Сермасонтэ тейсты ламо ильведькт, малав эрва валсонть кавто-колмо грамматической ильведькт.

Вана МАКСИМ ГОРЬКОЕНЬ сермазо

ЭЙКАКШТ,

Мон тынк сермантэ печатаса газетас, но а евтасынь тынк леменк, секс, што врась мелем, штобу пей девельтэ лангзонк ялганк, грамотс тынк беряньстэ содамонтэ лангсо. Виськс 4-це классо тонавтиятненень истя малограмотнойстэ сермадомс, пек виськс! Ды эряви, штобу тынь, истяжо тынк кондят бойка неряхатне ды небрежиктнэ виздевальтэ эсист валост беряньстэ складямонтэ ды грамматикантэ асодамонтэ кис.

Тынь уш аволь вишкинетядо ды

Максим Горькой Пензань школьниктнэнь сермаст печатызе газетас ды сермадсь тест ответ, конаньсэ виздлагавтни эйсэст беряньстэ тонавтиемантэ кисэ.

Тынк шка чаркодемс, што тынк тевтнэ ды аванк геройкс роботытэ аволь тень кисэ, штобу эйкакштнэ касовольтэ невежакс

Тынк шка чаркодемс, што тынь аштитядо вадра трудямонь церакс, масторонтэ икеле-пелень азорокс, мирсэнтэ сех сюлав, масторсо, конань пек вечксыз весе мастортнэнь пролетарийтне ды авечксыз буржуйтне. Весе мирсэнтэ арась истяжо мастор, косо бу эйкакштнэнь истя келейстэ улелель панжозь кисэ саморобразованиянтэ, самовоспитаниянтэ, арась мастор,

косо бу государственной властес истя мелявтозоль эйкакштнэнь кис, кода мелявты сон Советэнь Союзсо.

Шка, шка, эйкакшт, чаркодемс тень.

Карми улеме седе полезной тенк, бути тень таркас, штобу сермадомс аволь грамотной серма, тынь тонадтадо чаркодемс тень, мезе ули эсь перьканк, сельменк икеле, ды тень смысланзо, мезе тынь ловнотадо ютазэнтэ. Беряньстэ тынь тонавтиятядо, эйкакшт! Беряньстэ нать тонавтытэ эйсэнтэ.

Виськс тынк школасо рузонь келентэ преподавательтнененьгак: кода сын тень нолдтнэ, штобу 4-це классонь учениктнэ истя ильведькс марто сермадовольтэ.

М. Горький.

ОД КУДО

Куйбышевской Крайисполкомось получае телеграфной сообщения Кузнецкой райононь Никольской вельсове энь колхозонь председателентэ пельде седе, што пултыз колхозник-ударникень креевой 2-це с'ездэнь делегатонтэ Попков ялгантэ кудонзо.

Крайисполкомонь президиумось тейсэ постановления, штобу Попков ялгантэ, колхозонь сех вадра ударникентэ, строямс од кудо Крайисполкомонтэ средствасо.

СУДНЭНЬ МАТЕРИАЛ

Кочкуровань районсо Мурза веледэнтэ кортнэ: „жених веле“ Алкуксак Мурзасо келейстэ сравтось половой распущенностес. Тетятне, аватне ертнэть эсь эйкакшост, лездытэ кастомо беспризорщичантэ.

Тень каршо овси а тури комсомолонь организациясь. Аволь ансяк а тури, мик улить комсомолшт, конат шныть развратной тетятнень ды капшитэ тееме сынст ладсо.

Истяжо мектыкак а тейнитэ судбно-следственной органтнэ.

Вана Конаков Микиша кадызе васеньце нинзэ, мартонзо калсь кавто эйкакшт. Эйкакштнэ якитэ пурнамо ды не сускомотнесэ трить аволь ансяк эсь прят, авасткак. Микишанень те мезияк арась. А токши седеензэ. Седеензэ вिति чапамосонтэ. Ули мезде симемс ломанень те. Колхозонь правлениясь сень таркас, штобу а кортамс те ломанентэ марто, штобу а здоровакшномс мартонзо, путыз общественной питаниянь заведующеекс Сонзо кедь лангсо товонь теемакка.

Те а ламо, сими ярсы колхозонь кшиде, салдо. Теке марто салы единоличникень сюрот. Вана мольстэ Диков Иван марто дова единоличничанень Немойкинанень: „путлитра, яжасынек сюрот“. Немойкина каршо эзь моль. Пазонь паро ломань каршо, кодат молят. Симдиньзе, максынзе розьнензэ ды секе ульнесэ неевтест.

Не тевтнень тееме лездытэ весе общественной велень организациятне. Истямо ломанесь социализмань враг. Мелкобуржуазной хламонь пулокс. Эряве сон чаркодемс, што эйкакшонь воспитаниясь васняк ашти родительтнень лангс. Комсомолонь организациясь должен тень кисэ туремс.

Микиша теке лангс эзь лотка. Сонзэ мельс тусь лия ава—Каргонь Поля. Весть весть ды брак, кинень кодамо тев. А кувать Микиша эрясь од, мазый Поля марто. Ансяк фатысь, што Поля канды пеке—пешкесэ. Микиша велявтынзе азиянзо ды повник кода ульнесэ лемезэ.

Мольдэн седе тов. Микиша марясь кулось Старкин. Авась кадовсь куть а од, улить эйкакшонзо, яла теке. Улипарозо ламо. Ней совась содамокс те авантэ. Машты ули парось, Микиша эшо муи. Ды нать песь кармась пачкодеме. Те авантэ—Оксянь чинек венек чави нарьги эйкакшнэнь лангсо.

Кие максы истямо беззакония те развратникентэ. пияничантэ, коната прок калонь сардо меши колхозонь эрямосонтэ.

Полежайкин, Об'едкин, Балакшин.

Комсомолонь организациятнева

МЕКС КАЛАДСЬ ОРГАНИЗАЦИЯСЬ

Чамзинкань р.н. Ветече ие моли, кода Пянгийс организавсь первичной комсомольской организацией. Васень (1930—1931) иетнень организациясь будто седе роботасть, но меельс иетнень берянь руководстванть коряс сон овси каладсь. Кадовсть организациятень 4—5 комсомолецт ды нетькак ловозить ансяк конев лангсо. Сын а роботыть. Дисциплинась арась. Комсомолецтнэ Девяткин ды лиятне ветече ие кода а пандыть членской взност, симнить винадо

(Чудайкин).

Пянгийсэ ламо од ломанть, но вана неть од ломаньтнень ютксо кодамояк культмассовой робота а ветяви. Велесэнь клуб, ловнома кудо арась. Ней вана сексень ды телень сыця якшамо читнестэ од ломаньтнень сави меля ладсо яксемс посиделкава, содов банява.

Пянгийсэнь вельсоветэнь улить средстванзо строямс клуб, панжомс ловнома кудо. Мезе ансяк те шкас учить?

Лия.

Эяви кармавтомс Паксеваткинэнь роботамо

ВЛКСМ-нь Дубенкань райкомось Паксеваткин Яков Тимофеевичень мобилизовизе обкомонь „100“ счетс ды кучизе платной пионервожатойкс Ардатова велев. Но сон пионертнень ютксо а роботы.

Кевкстеманть каршо, „мекс а роботат пионертнень ютксо?“ Сон ответчи—„мон а корман вожатойкс

роботамо. Роботынь колмо иеть учителькс ды нейгак карман, стажом а ематсэ.

Эяви Дубенкань райкомонтень, райкомонь пионер отделэнтень кармавтомс Паксеваткинэнь роботамо ды примамс мартонзо мерат, мейс те шкас эзь робота.

Неиця.

ЧЕКАРЕВ КОМСОРГОСЬ А МЕЛЯВТЫ ПОЛИТТОНАВТНЕМАНТЬ КИСЭ

Эрзянь Найманонь первичной организациясонть политтонавтнемась апак организова.

Чекарев комсоргось те теветень а лови мезекскак.

Организациясонть улить грамотной комсомолецт Кабанов Н. ды

Четверов И., конатне роботыть учителькс, но сыньгак иестькак а арсить политтонавтнеманть организовамо. Сын тень таркас сеедьстэ симнить винадо.

Б. Березникень р.н.

КСМ.

КОМСОМОЛОНЬ ЭРЯМОДОНТЬ ГАЗЕТАС СЕРМАДОВИ АЛАМО

Инсаронь районсо юнвелькортнэде 200-до ламо. Ламотне эйстэст комсомолецт. Но комсомолецтнень эрамоност, первичной организациятнень роботадост беряньстэ ды аламот сермадови газетас. Бутим лиясто сермадыть, то ансяк берянь ендю, саламодо ды лиядо.

Штобу вадрясто улелель серма-

дозь газетас комсомолецтнень эрамодо ды организациятнень роботадо, ВЛКСМ-нь райкомось тень кувалт терди велькоронь-комсомолецтнэ совещания.

Те совещаниясонть карми улеме вейке вопрос—„Стенгазетась ды велькоронь-комсомолецтнэ

И. Пузаков

Юнкоронь сермат

ПАКСЯ ТАВЛАНЬ ПОЧЕТНОЙ ЛОМАНТЬ

Пакся Тавла велесэнь улить колхозной производствань зярят паре ударникт, работникт. Но сынст ютксо пек почетнойкс ловить Ф. Н. Бардинэнь ды Г. А. Дудинэнь.

Бардин уш сыре. Сон пингенз перть ульнесь пастух ды эрся покш нужасо. Зярдо совась колхозс, кармась колхозонь ремень ваноно Кияк истя парсте а машты ремень ваноно. Секс Бардинэнь стадасонть реветне малав весе районсонть сех вадрят, сех справнат. Парсте ваномань кис ламоксть уш макснесть тензэ казнь, те иестэнькак правлениясь тензэ максы казыне.

Дудин -котоце бригадасонть ниле ие уш роботы конюхокс. Пек вечксынзе колхозонь лишметнень. Мельгаст яки пек парсте, зярдо а кадносынзе рудазов навоз таркас. Кардазонть пачк ваньксстэ кирди. Шкастонзо макси коромгак, симемскак. Урядакшны эрва лишменть. Дудинэнь пельде тонавтить роботамо лия конюхтнэяк. Нилеце бригадась эрва косо пряшакшны, што сынст лишметне сех вадрят. Дудин сонськак мельс-паросо ашти, што парт лишмензэ, яки ютковасть ды арси, што сон эщо седеяк парсте карми мельгаст якамо. Бути мари Дудин, што шныть сонзэ роботанзо, аламодо виздилгадозь пейдезеви ды таго яла арси: эщо седеяк справавт-сын.

Петров.

Васень стрелокт

Гриша Матвеев ды Федя Чегодаев, Березникень средней школасо Куй-бышев лемсэ отрядсонть, сех вадрят пионерт.

Тонавтнемань ютась иенть сын успешноно прядызь. Кизнь шкасонть роботасть колхозонь урожаенть ванстамосо. Ванстамосо вадрясто роботамонь кисэ отрядось кучинизе сынст ойсьеме республиканской санлагерев.

Одс ушодовсь тонавтнемань од иес. Гриша марто Федят сайть кездезст наукань основатнень. Вейсэ тень марто сын эсист отрядсо вадрясто тонавтить военной теветень. Матвеев Гриша ды Чегодаев Федя полностью максызь „Юной Ворошиловской стрелоконь“ значекс нормаст.

Сентябрянь 25 це чись кувать кадови Березникень школасо эйкакштнэнь мельс. Те чистэнтэ комсомо-

лонь райкомонь секретаресь Миша Левин Гришанень ды Федяненъ максы „Ю. В. С.“-нь значект.

Те чистэнтэ, значеконь получамсто Гриша марто Федят сайсть обязательстват—вадрясто ладямс отрядсонть военной роботанть, штобу васень четвертень прядомс отрядсонть улелель „Ю. В. С.“-нь 10 ломанть.

Пионерской отрядсонть организовазь винтовкань ды противогазонь тонавтнемань кружок. 25 пионерт максызь „ГТО“-нь значекс кизнь нормаст.

Юной физкультурниктнэ анокстыть телентень. Анокстыть сокст ды салазскить. Физкультурань райсоветэсь вейсэ школань дирекциянтэ марто телентень организовать соксонь эйкакшонь станция ды киряк-стнимань тарка.

Б. Березники.

Гирдо.

Машинань калмазырь

Кочкурово. „Якстере зоря“ колхозсо 3-це бригаданть (бригадирэсь Макаров Яков) машинанзо те шкас апак пурна паксясто. Вана чаво паксясо наксали косилка. Эйсэнзэ пелимась чемениясь. Истяжо пак-

сясто можна уемс сеялкат, драпачт ды лия машинат.

Правлениясь теде соды, но Макаровнэнь эзь максо „путевка“ сынст урядамо.

Пышка.

ОЗИМТНЕ КОЧКОЗТЬ

Б. Березники. „2-я большевистская весна“ лемсэ колхозось аволь

умок ударнасто прядынзе озимень кочкоматнень.

КСМ.

Школатнева

МИНЕК БОРОЦЯМОСЬ УЛИ СЕРЬЕЗНОЙ

Звеньевой сборсо ульнесь вопрос соцпелкстамонть келейгавтомодо борцомс отличник ученикень кисэ, классо васень ученикень лемензэ кисэ.

Эйкакштнэ мельс паросо толковасть партиянтэ ды правительстванть школадо решениядонть, решасть вопросонть, кода вадрясто ладямс тонавтнеманть, штобу улелель 7 отметкатне ансяк „вадрясто“ ды „пек вадрясто“.

Куйбышев лемсэ отрядонь сех вадря пионерэсь Олег Разумов сайсь лангозонзо обязательстват,—тонавтнемс весе предметнэнь коряс ансяк „отлично“, улемс примернойкс дисциплинанть коряс школасо, ульцясо ды кудосо. Тердизе пелкстамо 4 це звенань вожатоентэ Басалова Тасянь.

Тася Басалова примизе, Олегень

тердеманзо. Сайсь лангозонзо обязательстват,—тонавтнемс отличнасто, парсте ладямс роботанть эсь звенасо.

Эзь кадово эйстэст Лэля Новошина пионеркаськак. Сон корты, что—ютась иестэ мо-1 тонавтинь „вадрясто“ ды „пек вадрясто“. Тонавтнемань те иестэ добуваса вейке отметка весе предметнэнь коряс отличнасто.

Классо вадря ученикень кисэ бороцямось келейгавсь. Весемень вейке мелест улеме отличникекс.

Те бороцямонть васень результатнэ неявиць Разумов Олегень, Басалаева Тасянь классной журнальсо весе предметнэнь коряс отметкаст отличнат.

Гирдо.

Б. Березники.

ЛЕМБЕСТЭ ВАСТЫЗЬ ПРАВИТЕЛЬСТВАНТЬ РЕШЕНИНЗО

Саранск. Октябрынь 3-це чистэ Лединститутонь студентнэ, преподавательской коллективесь ютавтсть митинг, конась ульнесь посвященной ВКП(б) нэ ЦК-нь ды СССР-нь СНК-нть продукатнень питнест алкалгавтомодо решениянтэ толковомонтень.

Весе студентнэ лембестэ вастызь те решениянтэ. Сайсь лангозост

обязательстват: Соцпелкстамонь ветязь кастомс тонавтнемань качества. Литературной факультетэсь сайсь обязательства: кастомс академической успеваемостесь, весе институтонть келес саемс васень тарканть, штобу телень каникулатнень самс саемс кедьте-кедьс якиця институтонь якстере знамя.

Ф. Гурьянов.

ОД ШКОЛА

Краснослободской р.н. Лепченка велесэ (Мордов. Маски. Выс. вельсовет) колхозось эсинзэ средства лангс строясь од пятистенной школа, конась ловозь 75 ломаньс. Школась кармась роботамо октябрынь 1 чистэ.

Ивашкин.

КАДОВСТЬ МЕЛЬС ПАРСО

Сентябрянь 28-це чистэ Ташто Мурзань избачесь Полежайкин колхозонь 9-це бригадасо ютавтсь самодеятельной вечер.

Вечерсэнтэ Полежайкин ловнось художественной книга „Ася“ Тургеневень. Мейле организовакшность коллективной киштемат, налксемат.

Колхозниктнэ, колхозонь од ломаньтне те вечерэнтэ эйстэ кадовсть мельс паросо.

Гр. Балакшин.

Кочкуровань р.—н.

ПЕРЕМЕНАТНЕ ЮТЫТЬ АВОЛЬ ОРГАНИЗОВАННОЙСТЭ

Чамзинкань р.н. Мокшалеень аволь полной средней, ды начальной школатнесэ переменатне ютыть аволь организованнойстэ. Тосо седейстэ эрсить туримат, севномат. Учениктнэ вейкест-вейкест лангс ертнить кевсэ, секень вант пря тапить.

Комсомольской ды пионерской организациятненень ды школань директоронтень эрavity примамс мерат.

С.

Онкстямс сыре пиньгень женихенть

Дубенка. Ардатовасо Зинкин Володя комсомолецэсь (Дубенкань райЗО-нь работник) октябрынь 5-це чистэ, чокшне нельгизе Сульдина Матянь од тейтеренть прасто пацанть ды эзизе максо сонзэ нейгак.

Комсомолонь райкомонтень эр-ви онкстямс сыре пиньгень женихенть Зинкинэнь тейтерь лангсо нарьгамонь кис.

Неиця.

Ловнодо Т. Г. ШЕВЧЕНКОНЬ

1936 иень февралень 26 це чистэнь топодить 75 иеть Т. Г. Шевченко—Украинань пек покш поэтань куломатонзо мейле. Шевченко шачсь 1814 иестэ, ды кулось 1861 иестэнь. Сон ульнесь крепостной крестьянинэнь цера, сонськак крепостной. Вейксэ иесэ кадовсь аватомо ды кевийкее иесэ—тетяв-томо. Тетяно аванзо куломатост мейле понгсь школав приходской диячоктнэнь. Сон теилинзе те диячоконтэ весе кудо ютконь тевензэ. Сонзэ кедьсэ кавто иеть стака эрямосо Т. Г. те „школасонтэ“ ютызе грамматикантэ ды псалтырентэ. Школьной курсонтэ прядовома малав диячокось сонзэ кучнилизе обиднав псалтырентэ ловномо ды тень кис пандыль тензэ эрва трешникстэнь вейке кеменьце пелькс—лиякс меремс—бути пурныль кемень трешникт, то вейкентэ максылизэ сонензэ, Шевченконень.

Те васеньце деспотось, конань марто Т. Г. вастовсь эшо эйкакш шкасто,—кармавтызе сонзэ пек а вечкеме ломаньтне лангсо насилынтэ. Сон бажась те диячоконтэнь кежэнь паномо. Весть Тарас Григорьевич муизе диячоконтэ ежовтомо иредьстэкс ды чавизе розгасо. Салызе те диячоконтэ вейке кодамо бути книганзо ды оргедсь Лысянка велинентэнь.

Тосо мусь эстензэ икеленсентэ кондыможо тонавтыця маляр-диякон. Стака роботань колмо чиде мейле тосто оргодсь Тарасовка велентэнь, маляр-диячокнэнь. Но те диячокось ваннызе Тарасонь керш кедензэ ды эссе сая эстензэ. Мерсь, што сонзэ (Шевченконь) арась ерокозо кадамояк тевс, мик а шивечекс, а бондарекс.

Теде мейле Тарас Григорьевич тусь шачома велезнэ. Тосонь помещикнэнь эрвась бойка эйкакш ды сон саизе Тарасонь.

Тосо сон салава марсесь гайдамацкой морынетэ ды рисовакшныль картинкат. Помещикесь эстензэ слугакс сайнилизе Тарасонь эрва ков, кува сонсь якиль (Киев. Петербургов ды лияв).

1832 иестэнь, зардо Тараснэнь ульнесь 18 иеть, помещикесь максызе сонзэ ниле иес эрва кодамо живописной тевень цеховой мастернэнь Санктпетербургов. Сень лангс атак вано, што те пек казямом ломанесь ульнесь ды мартонзо стакаль, яла теке Тарас мукшныль шка рисовамс статуясто. Мейле те-евсь содавиксэкс Сошенко художникентэ марто, кона мерсь тензэ кармамс рисовакшномо портрет натурасто. Сон кармасть рисовакшномо сынст помещикентэ дворо-

вой ломачентэ, Тарасонь ялганзо, Иван Нечипоренко казаконтэ. Весть помещикесь Нечипоренконь кедьстэ неизе Т. Г. нь роботанзо,



Рядовой Шевченко.

(Автопортрет)

пек тусь мелезнэ, мейле сон Тарасонь кармавтызе рисовакшномс эсинзэ вечкевикс аватнэнь, тень кис тензэ кой-косто максыль сиянь целковой.

1837 иестэнь Сошенко сонзэ евызе художествань Академиянь секретарентэнь Григоровичнэнь ды знялись, штобу сонзэ. Тарас Григорьевичень менстямс стака положениястэнь. Григорович евызе Сашенконь знялдоманзо В. А. Жуковской поэтантэнь. Жуковской кортнесь помещикентэ марто, штобу Тарасонь менстямс крепостной зависимостьтэ эйстэ. Тевесь прядовсь сень эйсэ, што се шкань покш художникесь рисовизе Жуковскоень портретнэнь. Портретэсь налксезель лотореясо 2.500 целковонь питнесэ, ды неть ярмактнэде 1838 иень апрелень 28-це чистэнь ульнесь рамазь Тарас Григорьевич Шевченконь эрямо.

Секе жо шкастонть сон якась художествань Академияв тонавтнеме. Тарас Григорьевич пек парсте рисовиль, ульнесь вадря художник. 1845 иестэнь получась олясо художникентэ лем.

Литературной роботанзо Шевченко ушодызе 1832 иестэнь.

1847 иестэнь сон арестовазель, секе жо иестэнь панезель Орской крепостев, мейле жо Ново-Петров

ской укрепления, ды тензэ ульнесь мерезь лоткамс рисовамо до ды стихень сермадомато.

Тесэ нирькинестэ а евтневи Шевченконь весе пек стака эрямо (сон ульнесь пастухокска, батра-кокск).

Эсь лангсонзо кеместэ роботаць, весе стакатнэнь, пек берянь условиятне лангс атак вано,—Шевченко теевсь народной покш поэтэкс. Шевченко сермадсь Украинань кельсэ, но формань коряс сонзэ поэзиязо се шкастонть ульнесь крестьянской восстаниянь поэзиякс.

Шевченко сермадсь ламо. Сонзэ улитэ зярыя пек лирической, пек народной, мазый стихотворениянзо. Сон ульнесь стихень сермадомань покш мастер. Сермадсь аволь аламо покш ды вадря поэмат („Катерина“, „Гайдамаки“, „Сон“, „Кавказ“, „Подземелье“ ды лият).

Шевченко пек а вечкилизе се шкань общественной строентэ пек а вечкилизе инязоронтэ Николай I (кона ульнесь се шкастонть). Ламоксть сон эсь сермадовксонзо инязоронтэ невтизе берянь ендэ, кода рузнэ мерить—„неудобоза бываемойкс“. Шевченко ламо иеть арсесь самодержавиянтэ каршо борцямо. Сон сермадсь инязоронтэ маштомадо прок неизбежной тевде. „Юродивой“ поэмасонзо эрва кода пеели инязоронтэ ды пазэнтэ лангсо, невти сынст берянь ендэ

Зярыя произведениясонзо се шкань стака, берянь эрямонть, урекс-чинть, народонь мельс-апаронтэ невтеманть, инязоронтэ ды весе самодержавиянтэ каршо стихень сермадоманть ды молеманть кис, Шевченко ламоксть панезель ссылкав, пекстнезель крепостьс.

Шевченко прок поэт ульнесь крестьянской революционерэкс, ды сонзэ сознаниясонзо ульнесь крестьянской революциянэнь свойственной весе лавшо енкстэнь ды противоречиятне.

Шевченконь литературной наследствазо покш. Сонзэ творчествась эсь значениянзо эссе емавто нейгак. Минек масторонь миллионт трудицят ловныть сонзэ сермадовксонзо конатнэнь нолдтнить аволь ансяк Украинань кельсэ, но рузонь ды минек союзонь лия кельсэкс. Шевченконь творчествазо минек масторсонть кармасть улеме интернациональной воспитаниянь орудиякс. Нама, Шевченконь творчестванзо лангс минь вандано ды тонавтнитяно критически.

Шевченкосто

Ютыть читне ды ютыть ветне,
Юты уш кизэсь, кашторды
Коськезь лопасо; конявсть сельтне,
Арсевкстнэ мадсть, седейсь уды;
Весе мателевсь ды аздан,
Эрян, эрямом ли прядан,
Эль истя масторганть якан,
Уш ай авардян, а ракан..

Эрзякс сермадынзе
ЭМИЛЬ ПЯТАЙ.

1844 ие, с.—Петербург.

Т. Г. Шевченко

* *

Мекс тень истя стака? Мекс а паро монень?
Мекс седеем кувси, пижни, аварди,
Прок среди эйкакш? Мекс пек стака тонеть,
Седей, мезес бажат? Мезеть сэреди?
Симемс, ярсамс вешат, эль удомасть педи?
Мадть седеем, пингень перть уш иля стя,—
Тонь ломанть тапидизь. Кадык сын исят,
Ломаньтне превтеметь! Сельтнэнь конить седей!

* *

Толтнэ палыть, оркестрась налксы,
Музыкась авардыкс вайгельть таркси.
Вадря алмазкс стирьтнэнь¹⁾ сельмсэст
Цитни од шкась, сынст эйсэ ламо
Эри кемима ды кецамо,
Весида сельметнесэ. Тест
Паро, сын одт, арась грехест.
Ды весе ракийть ды мызолдыть,
Ды киштнить. Ансяк ванан мон
Сельмень салава сельведть нолдыть,
Ды теке колдовазь ськамон.
Авардян мейсь? Нать жалькс марявсь тень,
Што а мазыйстэ, аволь парсте
Ютась, эзь неяв од шам монь.

1850 ие, Оренбург.

1) Стиртнэнь—тейтертнэнь.

Эмиль Пятай

Сыретне одтнэненэ

Пингенек ютынек уш минь
Касодо, полавтомизь тынь.
Допроконь изнямос тевентэ
Пачтинк ды чикс валдомтынк вентэ,
Миненек эзь теев мезе,
Тынэнк уш сави теэмс се
Эсинк ды эсь эйкакшонк кис.
Содадо, што виде се кись,
Конатань невтинек минь тенк,
Илян кадэ сонзэ Кедьсэнк
Кирдинк минек знамянтэ верьгакс.
Улезэ сон пачк тенк ялгакс,
Терпезэ икелев ды максозо вий..
Миненек уш ней неяви
Се пристанесь ков инь караблясь уи
Ды ков ды коданя сон мейле туй.
Гынь весе ульдэдо сонзэ капитанкс,
Видестэ ветясынк, кемдяно тынк
лангс.

В. Ради

Лей лангсо

Кошткесь шашты састо
Чизэнзэ сизесь.
Пель эхштэ нузяксто,
Сиянь тарваз лиссь.
Сутямсь кудряв леесь,—
Сувсо копчавасть.
Кувалгадсь сулеесь
Лугинесь леткемсь.
Ватракшонь „Кадрилесь“
Сравтовсь леентэ перть.
Сэнь-чопода менелесь,
Певерсь сиянь эрк.
Алак лотксе налкситэ,
Леентэ ланга калт,
Мельга, мельга панситэ,
Прок валаня налт.
Ведесь мик оланя,
Ацавсь сленикакс.
Чопавтат-прок баня,
Лисят ливчаниякс.
Кизэнь перть, монь мелем,
Лей лангсо эрямс.
Укшномс атак пеле.
„Ашо дедань“ самс.
Кошткесь шашты састо,
Чизэнзэ сизесь.
Пель эхштэ нузяксто
Сиянь тарваз лиссь.

А. С. Щеглов

Частушкат

Пуви варма обед ендэ
Атак лотксе чить ды веть.
Комсомолец церась Вася
Пек парсте анды лишметь.
**
Ваня судонзо пурдызе,
Варштась верев потолокс.
Течияк сонзэ сермадызь
Раужо лазс нузяксокс.
**

Ливтить дигат вирентэ пелев
Мельсек-мельсек, теке пикс.
Ленань звенась мольсь икелев,
Ней мон Ленань сайса никс.
**

Пек берянь комсомолецэкс
Тюма прянзо невтизе.
Комсомолонь билетэнзэ
Эсис вазось поризе.
**

Верьга ливти сталень нармунь,
Лапасонзо „СССР“
Колхозонь роботатнесэ
Невтинь сех паро пример.

А. Луконькин

Гитарасо налксия

Гитаранть струнанзо
Жойнезь гайневсынэ.
Моронть вайгелензэ.
Келес валносынэ.
Вечкемам ютамсто.
Паряк марясы.
Валскень зоря ладсо
Лангозон варшты.
Мерян мон: ваксозон
Сак.. Сак.. Сак..
Чокшнесь сатьме, лембе,
Пейди ковосяк.

Панар сиветь юкsezь,
Илиштязь кедеть.
Чамат-теке толось
Сэнь теште сельметь.
Бригадирша лементэ
Честекс тон кантлат.
Ударничань тевсэть
Эйсэнь кецавтат.
Ужо, иля тые
Вечкемам кудов,
Моро марто мальця
Велень од клубов.

Итало-Абиссинской войнась

ВИТЯ ТИТОВ ПИОНЕРЭНТЬ ВАДРЯ ПОСТУПКАЗО

Иваново. Сентябрянь 25-це чистэ Парфеньевской районсо, Шикунинской вельсоветэнь Герцен лемсэ колхозонь фермасто емась скал. Скалонть маштызе Титсв колхозникесь нинэ марто. Маштомасто сынст неинзе эсист 13 иесэ цераст Витя пионерэсь.

Валске, зяярд сась школав, сон те тевденть евтась учителентень. Титовтнэ таргазь ответственностьс. Колхозниктнэ вейсэнэ промкссо шнызь Витянь поступканзо ды сонзэ трымонь, тонавтоманзо коряс расходтнэнь примизь эсь лангозост.

Комсомолонь райкомось максь Витянень премия—пальто ды пилькс карсимат. Сонзэ поступкадонть толковить районнь келес школатнесэ ды пионерской отрядтнэсь.

Остряков казезь Красной звездань орденсэ

Массовой парашютной спортонь кастомань тевсэнь покш заслугатнень кис, личной отвагант ды мастерстванть кис СССР энэ Центральной Исполнительной Комитетэ в казизе Красной звездань орденсэ Н. А. Остряков парашютистэнь.

Комсомолкань- активисткань курст

Ростов-Дон. Октябрынь 10-це чистэнь Геленджиксэ панжовить комсомолкань-активисткань краевой курст 35 ломаньс. ВЛКСМ-ень X-це с'ездэнь иккантень курстнэнь прядыця комсомолкатне кармить роботам ВЛКСМ-ень райкомонь инструкторокс ды отделэнь заведующеекс.

ОМБОЦЕДЕ КАРМАСТЬ ЦВЕТЯМО УМАРЬКСТНЭ ДЫ ИНЗЕЙКСТНЭ

Воронежень областэнь аштит пек паро лембэ чить. Прок тундо сдов сась.

Сентябрынь 21-це чистэнь вейке садсо омбоцедэ кармасть цветямо колмо умарькст, ды ней эйсэ кармасть улеме уш умарь. Теке жо садсонть сиренень тарадтнэсь кармасть улеме од пургондакст.

Третьяковонь садсонзо омбоцедэ кармасть цветямо инзейкстнэ Эйсэ уш улить икелень кондят жо покшт инзейт.

Республиканть виев лишмензэ

Саранск Сентябрынь 24-це чистэ Саранскоень ипподромсо ульнест теезь испытаният Мокшардьянь республикань колхозной тяжеловозтнэчень.

Сехте виев лишмесь Ичалкань районнь „Роза Люксембург“ колхозсто. Испытаниятнэсь сон усксь 4 тоннат 450 килсграммт.

Рузаевкань районсо „Красный пахарь“ колхозонь лишмесь усксь 4 тоннат ды 300 килогр. ды Ромодановань районсто „Красная зорь“ колхозонь лишмесь—4 тоннат ды 20 килогр.

Испытаниянь теестэ лишме мелега якицсехте паро конюхтнэ макссь обязательстват седеньгак кепедэм лишметнень поголови янь ды нарсте якам мельгаст.

Н. Скупневский.

Италиянь войскадне яла эцить

Абиссиниянь войскадне тейнить виев сопротивления итальянецтнэчень

Абиссиниянь каршо войнась, конань ушодызе Италиянь империализмась—яла седеяк пек виензы.

Лия масторонь ламо газетат пачтить куля, што Италиянь войскадне планомерно эцить Абиссиниянь лангс кода северстэ, Эритреинть (Италиянь колониянт) эндо, истя жо югсто, Италиянь лия колониянт—сомалинт эндо, косо сын (Италиянь войскадне) соваст уш Огаден провинциянтень. Эсь наступленият итальянецтнэ ветить кеме колоннасо, конатне эйсэ пек покш пехотат, механизировазь часть, танкат ды артиллерият. Авиациясь бомбардировки (ертни бомбат) Абиссиниянь оштинэнь ды велетнэнь, сынст эйс войскактнэнь эцемадонть икеле.

Северной фронтсонть ушодовсть пек виев бойт Адуа ошонть саеманзо кис, кона ютни кестьсэ кестьс Англиянь газетатне сермадыть, што Адинть лангс омбоце бомбардировканть шкасто Италиянь вейке самолет лангс леднест абиссинецтнэ ды самолетонтнэ эсь саво теэмс бомбардировкань. Мельсэ кулят пачтить седе, што Италиянь 9 бомбавозт тейсть колмисе налет Адуанть лангс.

Те районсонть абиссинецтнэнь каршо бороци 100 тыща ломаньстэ Италиянь армия конань улить 3600 пулеметонзо, 300 шождя пушканзо, 100 танканзо ды 800 самолетонзо.

Италиянь самолетнэ тейсть налет абиссиниянь сех северной рай-

онсонть. Судана границанть маласо (Африкасо Англиянь колония) аштиця Абиссинской войскактне лангс. Абиссинецтнэ ловить се возможностейкак, што Италиянь войскактне кармить эцеме истя жо те районсонтькак.

Южной фронтсонть. Сомалинт эндо, Италиянь самолетнэ бомбардироваст Курати ошонть районсо зярыя пунктт Бомбардировкасонть токазы Абиссиниянь радиостанциясь ды маштозь Абиссиниянь малав 200 салдат. Истя жо занязь Доло ошось.

Лия масторонь газетатне тешкстыть, што Италиянь войскактнэнь техникань ды покш-чинь коря превосходстванть лангс атак вано, абиссинецтнэ пек кеместэ борошты сынст каршо, тейнить тест пек виев сопротивления, борошты пек покш мужества марто. Франциянь „Републик газетась сермады, што итальянецтнэ вастнить седе виев сопротивления, сень коряс, кодамо сын учнесть.

Абиссиниянь столицсонть Аддис-Абебе ошонть (конаньсэ эрить малав 60 тыщат ломанть) эрва минутане учить воздушной бомбардировка. Италиянь самолетнэнь неизь уш ошонть эйстэ 100 вайгельпест седе ве энга ливтнемадо. Столицанть куншкас аравтсть противвоздушной орудият. Негус (императорось) мерсь анокстамс кода алга таркат, козонь ломаньтне могли бу кекшемс сестэ, зяярд ошонть лангс теить воздушной атака.

ИТАЛИЯНЬ САМОЛЕТНЭ ЕРТНЕСТЬ ЯДОВИТОЙ ГАЗ МАРТО БОМБАТ

Италиянь войскактне яла эцить икелев, но сын те шкас эщо яла эсть тее паро успех, сень лангс атак вано, што сын Абиссиниянь войскактне коряс седе покш ды технической висткак седе вадра.

Адуа ошонть кадомало мейле Абиссиниянь войскактне туст од позицияс, ванстызь весе эсист артиллерияст. Абиссинецтнэ лоткасть маласо пандо прятнес ды секе тев леднить противникент лангс.

Адуа ошонть маласо абиссинецтнэ сайсть итальянской 4 танкат.

Англиянь газетатне пачтить куля 150 тыщат абиссинской боецнэнь ды 70 тыщат кавалериянь эцемадо Эритреянь границанзо лангс (Эритреясь-Северной Африкасо Италиянь колония).

Абиссиниянь южной армиянь главнокомандующеесь печатась сообщения, конаньсэ мерезь, што Италиянь самолетнэ, Абиссиниянь эриятне лангс бомбардировкань теестэ, ертнест ядовитой газ марто бомбат.

Лондонсто пачтить куля, што

Италиянь войскактнэчень, конат занякшнызь Долонть (Абиссиниянь, Италиянь колониянт Самалинт ды Англиянь колониянт Келианть ютксо ош), савсь мекев туюмст те ошстонть ды састь мекев Самалив.

Ков седе вавос туить Италиянь войскактне Эритреясо эсист базатне эйстэ, тов яла седеяк стака тест эцемс икелев ды тень коряс яла седеяк виензы абиссинецтнэнь сопротивленияст. Сетаркаванть, конань эзга ней эрви ютамс Италиянь армиянтень, малав овси а ютавить неень шкань войсковой соединениятне.

Германиянь газетатне тешкстыть, што Абиссиниянь армиянь главной вийтне, конань улить неень шкань орудияст, эщо эсть карма воювамо ды противникент эйсэ учить пандо прятнесэ.

Абиссиниянь зяро бути отрядт соваст Эритреянь территория лангс, косо борошты партизанской войнаны методсо. Неть отрядтнэ соваст масторонть куншкас 80 вайгельпенту.

ОКТАБРЯНЬ 9-ЦЕ ЧИСТЭНТЬ УЛЬНЕСЬ НАЦИЯНЬ ЛИГАНТЬ ЗАСЕДАНИЯ

Октябрынь 9-це чистэнь ульнест Нациянь Лигань пленумонть заседание, кона одов кортавтсь итало-абиссинской конфликтэнт. Пленумсонть ули теезь специальной ко-

митет сень кис, штобу тешкстамс практической мероприятият Италиянь каршо карательной мератнэнь ютавтоманть коряс.

АВСТРИЯСО А САТЫТЬ ПРОДОВОЛЬСТВИЯТ

Австриянь столицсонть Венасо ней кармасть улеме жирэнь (куянь) кризис. Эриятне ютксо паника ды сын рамсать жирэнь запастнэнь,

Тень кувалт пек питнейгась тувонь салась.

КАРАТЕЛЬНОЙ МЕРАТ ИТАЛИЯНТЬ КАРШО

Октябрынь 7-це чистэнь Нациянь Лигась вейкедь мельсэ примась решения, конаньсэ мерезь, што Италиясь Абиссиниянт каршо войнаны ушодозь колызе Лиганть уставонзо: Те решениядонть пек ламо сермадыть омбо масторонь газетатне.

Англиянь ламо газетатне вешить, штобу шкань атак ютавтне приамс карательной мерат Италиянт каршо.

Нациянь Лигань советэнтэ решениянзо покш впечатления тейсть Франциясо. Газетатне тешкстыть, што практической последствиятнэнь лангс атак вано, Нациянь Лигань советэнтэ ули пек покш значениязо, секс, што Нациянь Лиганть все улеманзо перть Советэсь васенцеде примась истямо решения, конаньсэ тешкстызе конаяк государстванть лангс войнаны кис ответственностэнь.

Нациянь Лигань советэнтэ решениянзо покш впечатления тейсь Германиясо. Вастозь сон беряньстэ кекшезь а паро мельсэ.

Италиянь газетатнэнь васень откритнэ кортыть седе, што Италиясо кемить сень лангс, што буто карательной мероприятиятне улить аволь уш пек казямт.

АНГЛИЯСЬ БАЖИ, ШТОБУ ФРАНЦИЯСЬ ТЕНЗЭ ЛЕЗДАВОЛЬ

Итало-абиссинской конфликтэсь пек токинзе капиталистэнь кой-кона мастортнэнь интересэст. Абиссиниянт кис империалистической бороцямосонть Италиянт сех покш соперникес ашти Англиясь. Африкасо Италиянт военной мероприятиянзо виензамонть каршо ответэкс Англиясь Средиземной иневедентень пурнась военноморской пек покш вийт.

Аволь пек умок Англиясь кевкстизе Франциянт, месь сон (Франциясь) карми тейнеме, бути Средиземной иневедэсэнь Англиянь флотонть лангс карми улеме нападения.

Франциясь эсь ответсэнзэ мерсь, што максы лезкс Англиянь флотонтень, теке жо шкане аравтсь вопрос те обязательстванть седе келейстэ тевс ютавтомало. Сон улезэ взаимнойкс, лиякс меремс, штобу Англияськак лездаволь Франциянтень истямо обстоятельство.

Вейкен-вейкен туртов лездамось должен улемс аволь ансяк флотсонть, но истя жо сухопутной вийтнесэяк ды авиациясонтькак. Лездамось должен улемс сестэяк, зяярд тееви конфликт истямо государства марто, конат ай аштит Нациянь Лиганть членэкс.

Англиясо аволь овси витевствэ целест Франциянт ответэнзэ эйсэ. Кой-кона газетатне ловить, што те ответэсь а ответи видьстэ се вопросонть лангс, конань аравтызе Англиянь правительствась ды сон ашти ответэкс седе курок лия обстановкато. Франциясь ней уш арси теэмс истя, штобу Англиясь тензэ лездаволь, бути сонзэ (Франциянт) лангс каяви Германиясь.

Ответ. редакторонть
полавыцязо Т. РАПАНОВ.